



FAAFINTA
الرسمية

الجريدة

RASMIGA

Sanadka 14-aad. Garowe January 9, 2013
Lam.1

Faafinta bil walba soo baxda

جريدة الشهرية

Qaybta Faafinta Rasmiga ah ee Madaxtooyada Dawladda Puntland

Qiimuhu waa Sh.So 10,000 rukun walba . Sanadkii waa Sh.So 170,000 dalka gudihiisa, dalka dibaddiisa Sh.So 500,000 rukunka la waydiisto, waqtiga loo gooyay wuxuu ka bilawdaa 1-da January. Qiimaha qoritaan F.R halkii sadar iyo wixii ka yar waa Sh.So 3,000, rukunka iyo qoritaanka waxaa la waydiistaa qeybta maamulka Faafinta rasmiga ah. Lacagta waxaa lagu bixinayaa xafiiska canshuuraha barriga ee wasaaradda maaliyadda.

TUSMADA

Qaybta Koowaad

Xeerka Mamnuucidda isticmaalka iyo adeegsiga Bacaha

Qaybta labaad

Xeer

Waxba ma leh

Qeybta Saddexaad

Talooyin, Isgaarsiin, Ogaysiis, Iidheh IWM.

Waxba ma leh

Sharci Lr 2. ee 09/01/2013, kuna saabsan Xeerka Mamnuucidda Iisticmaalka iyo Adeegsiga Bacaha

PUNTLAND STATE OF SOMALIA

Sharci Lr.2 ee January 9, 2013, kuna saabsan Xeerka Mamnuucidda Isticmaalka iyo Adeegsiga Bacaha

Madaxweynaha Dawladda Puntland

Markuu arkay: Dastuurka Dawladda Puntland qodobkiisa 80-aad;

Markuu arkay: Ansixinta Golaha Wakiilada Puntland ee Summad XGGW/DPL/02/2013 ee 09/01/2013;

Markuu tixgeliyey: Muhiimadda Xeerkani u leeyahay Dawladda Puntland.

Wuxuu soo saaray

Xeerkan soo socda:

Qodobka 1-aad

Golaha Wakiiladu waxay ansixiyeen Xeerka Mamnuucidda Isticmaalka iyo Adeegsiga Bacaha

Qodobka 2-aad

Nuqulada asalka ah (Original) waxaa lagu kala keydinayaa Xafiiska Madaxweynaha, Xafiiska Xoghayaha Guud ee Baarlamaanka iyo Xafiiska Garyaqaanka Guud ee DPL.


Qodobka 3-aad

Dhaqangalka Xeerkani wuxuu noqonayaa maalinta 16aad ee faafinta Rasmiga ah uu ku soo baxo, madaxweynuhu saxiixo, wakhtigaas wixii ka dambeeya ayaa lagu dhaqmayaa cid kastana ay waajib ku tahay in ay dhawrto kuna dhaqanto


Dr. Cabdiraxmaan Maxamed Maxamuud
Madaxweyne Dawladda Puntland



DAWLADDA PUNTLAND
EE SOMALIYA



PUNTLAND STATE OF
SOMALIA

GOLAHA WAKIILADA

HOUSE OF REPRESENTATIVES

Xafiiska Guddoomiyaha

Office of the Speaker

Ref:- XGGW/DPL/ 02 /2013

Garowe, Isniin

Date:- 07/01/2013

Ku:- Madaxweynaha DPL

Garowe

Ujeedo:- Ansixin Xeerka Mamnuucida Isticmaalka iyo Adeegsiga Bacda.

Guddoomiyaha Golaha Wakiilladdu:-

MARKUU ARKAY:-

Dastuurka DPL qodobkiisa 64-aad

MARKUU ARKAY:-

Soo gudbinta Madaxweynaha ee Ref
MWK/DPS/754/2012 ee December 13, 2012
kuna saabsan Xeerka Mamnuucida Isticmaalka
iyo Adeegsiga Bacda.

MARKUU TIXGELIYEEY:-

Baahida loo qabo Xeerkan

MARKUU DHEGAYSTAY:-


Doodii iyo Go'aankii Golaha Wakiillada DPL.

WUXUU GUDDOOMIYEEY:-


Ansixinta Xeerka Mamnuucida Isticmaalka iyo Adeegsiga Bacda.

Allaa Mahad Leh

Cabdirashiid Maxamed Xirsi
Guddoomiyaha Golaha Wakiillada DPL.



DAWLADDA PUNTLAND



PUNTLAND STATE OF

EE SOMALIYA

SOMALIA

**XEERKA MAMNUUCIDA ISTICMAALKA
IYO ADEEGSIGA BACAHA**

Garowe, January .01.2013

Xeerka mamnuucidda isticmaalka iyo Adeegsiga Bacda.

Qodobka 1-aad Mamnuucid

Waxaa la mamnuucay isticmaalka iyo adeegsiga bacda, maadaama ay sugnaatay inay halis ku tahay dadka, duunyada, dhirta iyo guud ahaan deegaanka Puntland, islamarkaasna la xaqiijiyey in isticmaalka bacda laga qaado cuduro halis ku ah nollosha aadanaha iyo tarankiisa.

Qodobka 2-aad Haysasho Bac

Waxaa reeban oo mamnuuc ah in bac la haysto, laga ganacsado, la keydsado, la isticmaalo, lagu adeegto, la keeno deegaanka Puntland ama si kale loogu dhaqmo.

Qodobka 3-aad Ciqaab

Qofkasta oo lagu helo falalka ku xusan qodobka 2-aad ee Xeerkan wuxuu gelayaa dembi waxaana lagu ciqaabayaa:

1. **Soo dajiye:** waa qofka ka soo gesha dekadaha kastamada IWM., waxaa lagu ganaaxayaa lacag dhan 12,000,000 – 18,000,000 sh.so (labo iyo toban malyan ilaa sideed iyo taban malyan) ama xarig dhan 8—12 bilood.
2. **Bakhaar Jumlo:** oo lagu qabto baco nooc kasta ka noqdeene waxaa lagu ganaaxayaa 6,000,000 --- 9,000,000 sh.so (lix malyan ilaa sagaal malyan) ama xarig dhan 4—6 bilood
3. **Dukaan, Kabadh, Sandaqad, Wareejiye iwm:** waxaa lagu ganaaxayaa 1,500,000—3,000,000 sh.so (hal malyan ilaa saddex malyan) ama xarig dhan bil iyo badh—3 bilood.
4. **Qofkii dariiqa** lagu qabto isagoo sita baco nooc kasta ha noqdeene waxaa lagu ganaxayaa 50,000 – 150,000 sh.so (konton kun ilaa Boqol iyo konton kun), ama xarig dhan Maalin – saddex maalmood.

Qodobka 4-aad
Ku-noqnoqosho dembi.

Ku-noqnoqoshada faldembiyeedka bacda ee ku xusan qodobka 2-aad ee Xeerkan waxay keenaysaa in la laba-jibaaro ciqaabta dembiiluhu ku muteystay qodobka 4-aad ee sharcigan.

Qodobka 5-aad
Gadasho xarig.

Ciqaabta xarigga ee Xeerkani tilmaamayo waa la gadan karaa, iyadoo maalintii lagu gadanayo 50,000 sh.so (konton kun).

Qodobka 6-aad
Qalab dembi

Bacaha lagu galay dembiga waxaa lagu baabi-inayaa meel ay goob joog ku yihiin dadweyne badan oo uu ka mid noqon karo xulumanuhu.

Qodobka 7-aad
Dhaqangal

Xeerkani wuxuu dhaqangelayaa Marka Golaha Wakiilladu Ansixiyo, Madaxweynuhu saxiixo, lagu soo saaro faafinta rasmiga ah ee Dawladda Puntland.


Dr, Cabdiraxmaan Maxamed Maxamuud
Madaxweynaha Dawladda Puntland

